



САМУРДИН

сес

«Магъарамдхуруьн район» МР-дин общественно-политический газет.
Общественно-политическая газета МР «Магарамкентский район».

Тешкилайди: «Магъарамдхуруьн район» МР.

Газет 1951- йисалай акъатзава. № 39 (7696) киш, 9-август, 2014- йис. Къимет 3 манат.

ЛЕЗГИ ЧИЛЕЛ - ГУРЛУ СУВАР



АЛАЙ ЙИСАН 2-августдиз къадим Ахцегъа «Шарвили» эпосдин 15-юбилейдин сувар шад гьалара гурлуз кыле фена. Рик1ел хкин «Шарвили» эпосдин сувар гьар йисуз июндин эхиримжи киш юкъуз тухузвайди тир. Амма ц1и июндин и югъ сивер хуьдай вахтунал гьалтуниз килигна 2-августдиз кыле тухвана.

Гатун гуьзел йикъан экуьнахъ фад Магъарамдхуруьн кылихъ к1ват1 хъайи районгълийрин ч1е-хи десте кыле райондин руководителарни аваз Ахцегъиз рекъе гьатна.

→ 2

ВАЖИБЛУ МЕСЭЛАЯР ГЪАЛНА

4- АВГУСТДИЗ МР-дин администрацияда муниципальный райондин кыл Фарид Агъмедован председателстводик кваз пландин совещание кыле фена. И совещаниедиз райондин са шумуд школадин директорризни теклифнавай.

Совещаниедин иштиракчийри «Райондин муниципальный организацияр ц1ийи к1елдай йисаз гъазур жезвай гьалдин гьакъиндай» образованиедин управлениедин начальник Улубек Абейдуллаеван докладдихъ дикъетдалди яб акална. Докладдай малум хъайивал, райондин школар 1-сентябрдиз 7800 аял къабулиз гъазур я. Эхиримжи йисара сифтегъан классра к1елзавай аялрин къадар артух хъун иллаки хуш жедай кар хъанва. Ц1инин йисуз сифте яз партайрихъ 806

аял ацукьда. Ц1инин йисуз райондин вири к1елзавайбурун тарсар ремонт авунвай, ширер янавай, экуь классра кыле фида. Совещаниедал гьак1 гьал хъувуна к1анзамай са бязи месэлайрикайни рахунар фена.

Чпин гьар йикъан дердийрикай ЦРБ-дин кылин духтур Гъажибала Беглерова, хуьруьн майишатдин управлениедин начальник Насир Ибрагъимова, финансин отделдин начальник Эдуард Ферзилаева ва масабуру информацияр авуна.

Совещаниедин къет1ен фикир налогар к1ват1унин месэладиз гана. Муниципальный райондин кыли къейд авурвал, муниципальный бязи сельский поселенийрин руководителрин рик1елай чпин къуллугъдин везифаяр алатзавай хъыз ва гатукай мен-

фят къачуна ял язавай хъыз аквазва. Ада ял отпускадиз экъеч1айла яна к1анзавайди рик1ел хкана. Хуьрерин поселенийрин вири кылерин агъалийрихъ галаз активвилелди, сигъ алакьада аваз к1валахна к1анда. Агъалийриз хуьруьн кыл к1валахдин идарадай жагъин тийизвай дуьшущар гзаф жезва. К1валахдив ик1 эгеч1ун рехъ гуз жедай кар туш, ихътин хуьрерин кылерин гьакъиндай административный серенжемар къабулда, къейдна эхирдай Фарид Агъмедова.

Совещаниедал гьак1 2-августдиз Ахцегъа кыле феи Шарвилидин суварик Магъарамдхуруьн делегацияди иштиракай гьалдикайни рахана. Анал къейд авурвал, сувар къакъан дережада аваз кыле фена ва чи райондин делегацияди шадвилера активвилелди иштиракна.

ЛЕЗГИ ЧИЛЕЛ - ГУРЛУ СУВАР

1 ←

Суварик Дагъустандин ше-гъеррай ва районрай, маса регионрай атанвай гзаф кьадар мугъманри, гъа жергедай яз «Магъарамдхурьун район» муниципальный райондин кьил Фарид Агъмедова кьиле авай ч1ехи делегацияди иштиракна.

Сувар къейд ийиз Дербент округдин кьил Имам Яралиев кьиле авай дестени атанвай.

Имам Мизамудиновича суварик атанвай мугъманар тебрикна, лезгийрихъ хъсан адетар, дамахдай крар давамардай Шарвили хътин игит рухвар хъун ва ирс давамарун вичин мурад тирди лагъана.

Атанвай мугъманар ц1ийиз ачухнавай к1елунардай-бурун залдиз мугъман хъана.



майдан ачухнавай ва анал чи райондин пагъливанрин десте-ди чпин алакьунарни кьалурна.

Шарвилидин суварик гъак1 РФ-да сифте спорт яз паркур-дай международный чемпионат-

ни кьиле фена. И чемпионатда йисан вахтунда уьлкведа кьиле феи акъажунра гъалибвал къазанмишна полуфиналдиз акъатай 17 спортсменди иштиракна. Абурун арада Германиядай, Нидерландай, Украинадай, Латвиядай атанвайбуруни авай. Къизгъиндиз кьиле феи женгера, 1-чка патал женг ч1угур 8 касдикай чи россиянви Тольятти шегъердин агъали Михаил Исаев гъалиб хъана.

К1елед хивез хкаж хъана эвич1ай мугъманри В. Эмирован т1варунихъ галай паркуна районрин художественный самодеятельнострин коллективри гайи ч1ехи концертдикай лезет жкудна. Суварин шадвилер яргъалди давам хъана.

А.АЙДЕМИРОВА.



Мад сеферда тарих рик1ел хкана.

Ахцегъа Кьиблепатан Дагъустандин районрин майданар ачухнавай. Майданрал гъар райондин агъалийри гъазурнавай няметар, гъилин сеняткарвилер ва сегънедин устадрин яратмишунар кьалурзавай.

Гъар са майдандал мугъманар шад маниралди ва туьнт кьуьлералди, уьмуьрдай къачунвай куьруь сегънейралди къаршиламишзавай. Къейд ийин, чи райондин делегацияди гурлу



ЕЩЕ РАЗ ОБ АЛИМЕНТАХ НА СОДЕРЖАНИЕ ДЕТЕЙ

Вопрос об алиментах на содержание несовершеннолетних детей является одним из часто задаваемых гражданами вопросов. В этой связи представляется необходимым дать соответствующие разъяснения по действующему законодательству об алиментных обязательствах родителей.

Итак, в соответствии со ст. 80 СК РФ родители обязаны содержать своих несовершеннолетних детей. Порядок и форма предоставления содержания несовершеннолетним детям определяются родителями самостоятельно.

В случае, если родители не предоставляют содержание своим несовершеннолетним детям, средства на содержание несовершеннолетних детей (алименты) взыскиваются с родителей в судебном порядке.

В силу ст. 81 СК РФ при отсутствии соглашения об уплате алиментов алименты на несовершеннолетних детей взыскиваются судом с их родителей ежемесячно в размере: на одного ребенка - одной четверти, на двух детей - од-

ной трети, на трех и более детей - половины заработка и (или) иного дохода родителей.

Размер этих долей может быть уменьшен или увеличен судом с учетом материального или семейного положения сторон и иных заслуживающих внимания обстоятельств.

В силу ст. 82 СК РФ виды заработка и (или) иного дохода, которые получают родители в рублях и (или) в иностранной валюте и из которых производится удержание алиментов, взыскиваемых на несовершеннолетних детей в соответствии со статьей 81 настоящего Кодекса, определяются Правительством Российской Федерации.

Статьей 100 ФЗ от 02 октября 2007 года № 229-ФЗ «Об исполнительном производстве» перечислены виды доходов, на которые не может быть обращено взыскание, при этом частью 2 указанной статьи предусмотрено, что по алиментным обязательствам в отношении несовершеннолетних детей, а также по обязательствам о возмещении

вреда в связи со смертью кормильца ограничения по обращению взыскания, установленные пунктами 1 и 4 части 1 статьи 100, не применяются.

На основании вышеизложенного можно сделать вывод о том, что Семейный кодекс РФ и ФЗ «Об исполнительном производстве» не предусматривают ограничения по выплате алиментов на несовершеннолетних детей для лиц, отбывающих наказание в исправительных учреждениях. Соответственно, с осужденных взыскание алиментов производится из всего заработка и иного дохода за вычетом отчислений на возмещение расходов по их содержанию в указанных учреждениях. Помимо этого в силу ст. 71 СК РФ лишение родительских прав не освобождает родителей от обязанности по уплате алиментов.

Об ответственности родителей за уклонение от уплаты алиментов мы поговорим в следующей статье.

Г.М.ХАНАМИРОВ,
прокурор района



ЖЕГЬИЛРИН ФОРУМ

ДАГЪУСТАНДА Международной жуьреба-жуьре динрин жегьил векилрин 1-форум кыле фена. Кефердин Кавказдин вири регионрин Азербайжандин ва Кыбледин Осетиядин вишехь агакьна векилри иштиракзавай серенжем Махачкьаладин епархи-

ядин ва Дагъустандин мусурманрин Духовный управленедалди тешкилна.

МАЛИМАР ПАТАЛ ЕГЭ

МАЛИМРИ ЕГЭ вахкунин гьакъиндай школая акьалт1арай аялрин диде-бубайрин инициативадин тереф республикадин Кыли хвена. Диде-бубайрин ажугь асул гьисабдай ц1инин йисан ЕГЭдин нетижайри гьана.

Республикадин образованийедин министерствода сад тир госэкзамендин теьгерда аттестация тухуниз гьазурвал

аквазва. Эгер малимдивай герек кьадар баллар к1ват1из алакь тавурт1, ада ЕГЭ чирвилерин чарасуз тир дережа кьалурдалди вахкуда.

САД ЛАГЪАЙ СЕФЕРДА КУМУКЪНА

МАХАЧКЪАЛАДИН «Анжи» клуб ФНЛ-дин чемпионатдин вад лагъай турда Оренбургдин «Газовикдиз» кумукьна. И сезона им дагъустанвийрин сад лагъай кумукьун я.

Ф.ГЪАЖИЕВ.



ЭРЗИМАН МУРАДДИХЪ ИНАНМИШВАЛ

ВАХТАР хъана аялри хуьрера, къве пата кварквац1 къванер ва я портфелар эцигна, футболдин варар тук1уьрдай. Гадаяр, вахтни рик1елай фена, к1уф хкатнавай к1вачин къапарни, къац1анвай пек-партални такваз, тупунихъ калтугдай. Гила гьалар дегиш хъанва. Ик1, Магъарамдхуьруьн алай девирдин школьникрин ихтиярда «Леки» спорткомплексдин запасдин майдан ава.

РАЙОНДИН «Бажарагълу аялар» центрда АГЪАМИР-ЗОЕВ Рафик Агъамирзоевичахъ галаз гуьруьш къиле фена. Ам «ЛЕКИ» футболдин клубдин президент, «Магъарамдхуьр» МП-дин къил, Россиядин писатель А.Костюнинан гьикаядин игит «Леки» спорткомплексдин иеси я. Гатун рухсатрин вахт тирт1ани, аялри адахъ галаз гуьруьшда школадин формаяр алукунавай. Ам чи школадиз клубдин администратор Абдуллаев Тимур Артуровичахъ галаз атанвай.

Рафик Агъамирзоевича аялриз сифте сив хуьнин сувар тебрикна ва хизанра шадвилер, хуш крар хъана к1анзавайди лагъана. Ахпа ада клуб тешкилуни тарихдикай ихтилатна. Гъвеч1и ч1авалай адан

рик1 футболдал алай. Бубади адаз азаддиз къуршахар къунал, самбодал ва каратэдал машгул хуьникай лагъанай. Магъарамдхуьре футболдал къугъвадай спортдин майдан тахуьниз килигна, Рафика муькъвал-муькъвал вичин дустарни галаз къунши хуьрериз фидай. Хкъанавай к1ват1алдик кваз ада футболдай райондин акъажунра иштиракдай.

Къугъунрал гуьзчивал авур адаз гзаф командаяр, рик1ивай абур гъазурунал машгул кас авачирт1ани, хъсандиз къугъвазвайди акуна. Гъа и ч1авуз адан фикирда стадион эцигун ва футболдин команда тешкилун гъатна.

90-йисарин эхирра ада райондин администрациядай стадион эцигун патал чилин участок чара авун т1алабна. Адаз инсанар гъавурда акъан тийидай къариб касдиз хъиз килигиз хъана. И вахтунда Магъарамдхуьре, марфадилай гуьгуьниз экъеч1завай къарникъузар хъиз, къилдин ксарин дараматар, коттеджар, кафеяр ва межлисрин залар пайда жезвай. Ингъе акъатна майдандиз инсанар патал са вуч ят1ани эцигиз к1анзавайди.

Администрациядин гъа ч1аван къил А.И. Гъажиева (рагъмет хуьй вичиз) адахъ яб акална ва касдин т1алабун къилизни акъудна. Хуьруьн агъалийри яргъал йисара гъайванар хуьзвай участок Рафик Агъамирзоеваз стадион эцигун патал

49 йисан муддатда чара авуна. Участокни тарифдинди тушир адан са пай муькуьдалай 2-3 метрдин агъада авай. Машинралди хейлин накъв гъуниз мажбур хъана. Ик1, стадион эцигуниз, тук1уьруниз гзаф йисар акъатна. Эхирни 2007-йисан сентябрдиз «Леки» стадион шадвилин гьалара ачухна.

Гъа са вахтунда Рафик Агъамирзоевич футболдин клуб патал къугъвадайбурни к1ват1унал машгул хъана. Ада неинки райондай, гъак1ни Дербентдай, Махачкъаладайни спортсменриз клубдиз атун теклифна. Къилин тренервиле пешекар футболист Кемран Нурагъмедов тайинарна.

Рафик Агъамирзоева сад лагъай сеферда вичин команда Дагъустандин чемпионатдиз тухвайла, «Анжидин» машгур футболист Александр Маркарова адаз лагъанай: «Рафик, сифте йисуз са командадилайни гъалибвал къазанмишиз алакьдайди туш, гъак1 хъайила, жува-жуваз гзаф тади гумир». Амма «Леки» Дагъустандин к1венк1вечивилиз акъатна ва гъа йисуз ЮФОдин чемпионатдани иштиракна.

Алай вахтунда «Леки» ФК пуд сеферда Дагъустандин чемпион я. Адан лап хъсан спортсменар гзаф пул гузвай маса командайра къугъвазва. Нетижда гъужумзавайбурукай сад тир Тофик Къадимов «Дагдизелдиз» фена, и муьквара адаз Ка-

ФИЗКУЛЬТУРНИКДИН ЙИКЪАЗ ТАЛУКЪ ЯЗ

лининграддин «Балтика» ФК-диз теклифна. Са шумуд спортсмен Азербайжандин ФК-диз фена. Гъак1 ят1ани, «Леки» команда агалкъунралди гъуьжетриз экъеч1зава. Гъатта Магъарамдхуьруз атай Ганадай тир негрйрини, «Леки» клубда къугъваз к1анз, иниз къведай виза гуьзлемишзава. Клубдин администратор Тимур Артуровича футболный команда Дагъустандилай къеце- Краснодарда, Ставрополда гъик1 къабулзава т1а ихтилатна. Лезгийрин диаспоради абур ч1е-хи гъурметралди, багъа мугъманар хъиз къабулна ва рекъе хтуна. Ада гадайриз сагълам уьмуьр тухуниз, футболдин клубар тешкилуниз, районрин гъуьжетра иштиракуниз эвер гана. И карда алакьдай вири куьмеркар гудайдини къейдна.

Суьгъбетдилай гуьгъуьниз аялри суалар гуз эгеч1на. -Хъсан футболдиз гъихътин ерияр хъун лазим я. -Хъсан футболдиз неинки гужлу мускулар, четинвилериз таб гудай беден, гъак1ни гъахътин гужлу, эхи ийидай, хъел текъведай

къилихар ва мажбури яз зегъмет к1ан хъун,- жаваб гана Рафик Агъамирзоевича.

-Хуьруьн къил хъун четин яни, тахъайт1а, клубдин президент ва я хизандин къил? - ихътин суал гана 7-«а» классдин ученица Эльдарова Лианади.

-Хизандин къил хъун четин я,- жаваб гана ада. Рафик Агъамирзоевичахъ пуд велед ава. Адан гафаралди ч1е-хи хва «Лекидин» футболдиз я, гъвеч1ида юриствилин чирвилер къачузва, руша школада к1елзава. Анжах умудлу далу хъайила, к1валахал, спортда агалкъунар къазанмишиз жеда. Эхирдай ада аялриз «Лекидин» лиготипар алай ядигарар багъишна. «Эгер гъарса касди вич алай чкадал ик1 вичелай алакьдай к1валахар ийиз хъайит1а, чи чил гъикъван гуьрчег жедай!» - ихътин гафаралди куьтягъзава Александр Костюнина Рафик Агъамирзоевакай вичин гъикая.

2010- йисуз Дагъустан Республикадин Гъукуматди куьмек гуналди Александр Викторович Дагъустандин

42 районда къекъвена. Гзаф йисара к1валахна, «Дагъустан» ктаб (къекъуьнрин дневник) алай йисуз акъалт1арна.

Гъепцегърин хуьре къве рекъин хивел «Территория Леки-Магъарамдхуьр» кхъенвай рекламадин ч1е-хи къул ала. Гадаяр адал алай чемпионрин суьретриз гъевесдалди килигзава, гзафбуруз абурун жергейриз акъатиз к1ан жезва. Абур умудлу я хъи, эрзиман мурадар къилиз акъатда. Вилик эцигнавай мураддихъ агакъун патал сабурлувилелди чалишмишвилер авуна к1анда. Бахт ацукънавайди гуьзлемишиз акъваздач, ада гъа-миша физвайдав агакъарда. Августдиз футболдай Дагъустандин чемпионат башламишда. Чаз «Леки» командадихъ анжах агалкъунар хъана к1анзава.

Н.МЕГЪАМЕДРАСУЛОВА, Гъепцегърин СОШ-дин урус ч1алан ва литературадин малим.

Шикилда: футболдин «Леки» команда- пудра республикадин чемпион.



Дуъз рахуни чӀал гуърчегарда

(Эхир. Эвел - 38- нумрада).

«У-ХI - классра дидедин чӀалан ва литературадин тарсара ишлемишдай гафарган» гӀиле кьуниз чун мажбулнавайди дидед чӀалан эгъмият югь-къандавай харчи ва кесиб хьун я. Дидедин чӀал гуьнгуьна аваз хуьн сифтени-сифте школада жегӀилдин вилик чӀалан даях яз акъвазнавай, ана тарс гузвай малимдин везифа я. А малимдин гӀиле винидихъ тӀварар кьур словарар авач. Везифа сифтегъан классрилай эгечӀна аялриз гафарин ва орфографиядин кьайдайрин кьадир чирун я. Гафарал ва орфоэпиядинни орфорграфиядин кьайдайрал амал авуни аялдиз рахадай вичин яшариз кутугай гафарин тайин кьадар хьун кӀанарзава. Гафарин кьадар кьезе-кьезе артух хьуни гафарал кӀвалах тухунин жуьреярни, амаларни артух хьунал гъизва, вилик чирай гафарин манайрани дегишвилер ва дуъзвилер хуьтаз вердишарун лазим я. Месела, вилик чирай «уьткъем» (I- кл.) гафунин мана цӀийиз чирзавай «викӀегь, дирибаш» гафари абурухъ мад «жуьрэтлу» манаярни авайди, яни синонимар гъана, гафарин «муг», мукъвавал артух жезвайди делилламишда.

Лезги чӀал гьӀи классда гузватӀани, адан методикадин кьилин месэла «вуч чирда ва гьӀикӀ чирда?» хьун лазим я. Малимдин вилик эцигнавай кьилин месэлани гьам я: вуч чирда?

Лезги чӀалан ва эдебиетдин тарсарин метлеб кӀелзавайбурун чӀал гегъеншарун, абуруз чпин фикирар тайин кьайдада, ачухдиз ва савадлувилелди лугъуз ва кхьиз чирун я.

Тийижир гаф аялдиз гьа-миша цӀийиди я. Ктабра, учебникрин илимдин малуматар ачухарзавай тапшуругъра, литературадин хрестоматийрин текстера аялрал сифте дуьшуьш жезвай гафар вири «цӀийибур» я. Бязи гафариз сноскайра баянар гузва ва ктабрин эхирра «гафарганарни» ганва. Амма гзаф гафар «словаррани» авач, сноскайрани ганвач.

Етим Эминан шиирра ишлемишнавай «ракъиб - рекъиб» гафариз: ЛЧИС: ракъиб- рабетлу инсан яз малумат ганва. А.Агъаева «Аман яр», «Гуьзел яр» шииррин сноскайра «рекъиб-са дишегъли кӀанз акъажунар ийизвай итимрикай сад...», «Гуьзел Тамум» шиирдин сноскада «дуст» яз гузва. Гь.Садыкьиди «рекъиб –мидя, писвилин гуьгъуьна авай кас», Кь.Акимова «ракъиб- чара кас» яз, 1987- йисуз лезги ва урус чӀаларалди акъатай ктабда «ракъиб –посредник, старающийся поспорить» хьанва. Р.Гъайдаров: Ракъибар экъезе арада гьарма сад са илан хьтин. Недоброжелатели челночат каждый как змей.. «Ракъиб-рекъиб - акъажунра авай итим-паб, мидя, дуст, чара кас, рабетлу инсан, душманвал ийидайди (хийир такӀанди) - «маналу» гафарикай тарсуна аялдин суалдиз гьӀим хьяна гун дуъз ятӀа яраб?!

Малим тарсуниз гьазур жедайла, ада дурумлудакаказ ва вири терефрихъай текст веревирд авун чарасуз я. Грамматикадин кьайдайриз талукьарна ганвай тапшуругъриз хьанвай текстер, предложенияр иллаки дикъетлу хьана, сифте малимди вичи тамамарун герек кьезезва. Гаф аялдиз «четинди» тирди аннамишай малимди ам кьилди ва я адаз талукь гафарни галаз хкудна, адаз синонимар, антоним жагъурна, га-

фунин куьчуьрмишнавай, тек ва ягзаф манаяр тайинарна, ам арадиз атанвай ва я туькӀуьр хьанвай кьайдаярни ахтармишна, гаф квай мисалар, мягъкем ибара кхьена гьавурда твада.

Аялрин рахунин чӀал гегъеншарун малимди галат тавуна, аял гьилик кумай кьван вахтунда, тухвана кӀанзавай зегъмет алай кар я. КьетӀен фикир гаф дуъз кхьиз вердишаруниз гуда, вучиз лагъайтӀа гаф дуъз кхьиз чирун аял савадлу авунин кьилин кар я. Гаф рахунра ва кхьинра дуъз ишлемишиз чир хьуни аялдин фикир деринаруниз, дилавардиз рахаз алакьуниз, кӀелзавай гьар са затӀ фад кьатӀуниз куьмек гуда. Рахунин ва кхьинрин чӀал чеб чпихъ галаз сигъ алакьада ава: дилавардиз рахуни кхьинрин кӀвалахдиз чӀехи таъсир ийизва, вичин нубатдай, рахунрин чӀалаз дуъз фикир авунин истемишунрив кьадай кхьинрини рахунин чӀал гуърчегарда.

Ф. НАСРЕДИНОВ,
лезги чӀалан ва
литературадин малим.

РЕДАКЦИЯДИН ПАТАЙ

ЭХИРИМЖИ вахтара чӀалакай, ам михьиз хуьнкай кхьинар гзаф ийизва. «Дидедин чӀал гуьнгуьна аваз хуьн сифтени-сифте школада жегӀилдин вилик чӀалан даях яз акъвазнавай, ана тарс гузвай малимдин везифа я», - кхьизва Фахрудин малимди. И гафарин гьахълувал фикирда кьуна чна лезги чӀалан ва литературадин тарсар гузвай малимриз и месэладай чпин фикирарни лугъуниз эвер гузва.

ЦІИЙИ КТАБАР

«ЧУН ЛЕЗГИЯР Я»

ЗИ ГЪИЛЕ Гъажи Желил Мурадалиеван ціийи , гъеле типографиядин ширедин ни галамай «Чун лезгияр я» кыл гана Махачкъалада акъатнавай ктаб ава. Им автордин ціуд лагъай ктаб я. Ціуд ктаб. Лугъуз регъят я, амма ам арадиз гъун, фикир-диз къачунвайди дуьз кІалубда туна чарчел дуьз акъудун патал авторди чІугвазвай зегъмет къатІун четин я.

Гъар йисуз Гъажи Желилан ціийи ктаб гъиле къурла (им адаз чІуриз тежедай адет хъанвай хъинди я), зи рикІел сиягъатчи, ахтармишунар ийидайди. Петербургдин АН-дин гъурметлу член, генерал-майор Николай Михайлович Пржевальскийдин уьмуьрдиз бахшнавай кино кхведа. Кинодин сифте къилляй яшлу профессорди илимдин дуьньяда гъеле малум тушир жегъил Пржевальскийди кхъенвай лап къелечІ брошюра гъилелай ийизва ва автордин бегъерлу гележегдихъ инанмиш хъана, брошюрадин «юхунвилизни» килиг тавуна, ам ктабрин ичІи ва яргъи са дезгедал эцигзава. Кинодин эхирдай а дезгедал Пржевальскийди кхъей къван ктабар гъакъзавачир.

За ихътин агъвалат рикІел хунихъ себеб ава. Эгер Желил Пиралиевича исятда яратмишзавай ериш давамарайтІа (и кардал за кІусни шак гъизвач), адан ктабризни дезгедал чка бес тахъун мумкин я.

Яратмишунрин рекъе кІвалахзавайдал гъалтзавай четинвилерикай авторди сифте гафуна куь-

релди вичи лугъузва: «Им цІуд лагъай ктаб я за кхъенвай. Хъран кІвални амач жеде, и ктабдал чан гъун патал, зун пияда тефенвай. Гъикъван рекъер атІана за им къуьд, гад я лугъун тийиз чил тІушуниз ифенвай, дуьшуьшарни пара хъана, феи гъар са чкада, туькІуьн тийиз мурад- метлеб къулу-къулухъ хъфенвай. Ихътинбур я чи кІвалахар, къимет тІимил, зегъмет кыле ргъазвай...» И цІарар кІелайда автордин чІалан къетІенвилизни фикир таган тач. Желил Пиралиевичан эхиримжи акъатнавай ктабриз чІалан ва ктабар туькІуьр хъувунин гъа ихътин ціийивал, жанрайрин жуьреба-жуьревал хас я. Авторди вичи и жуьре кхъиниз «Поэзия - прозада» лугъузва. Имани лезги яратмишунра ціийивал я.

Вишра ван къедалди садра жуван вилералди акун хъсан я, лугъуда халкъдин мисалди. Гъавилляй зи фикирни Гъажи Желилан ціийи ктабдиз къимет гун туш. За и цІарар кхъиналди автордин ціийи савкъватдикай хабар гузва. Адаз къимет ктаб кІелайда вичи гуда.

Амма са алава хъийиз кІанзава. Желил Пиралиевичан яратмишунриз хас тирвал и ктабни поэзиядикай, публицистикадикай поэзия-прозадикай, исламдиз ва тарихдиз хас тир яратмишунрикай туькІуьр хъанва. За фикирзавайвал, и ктабни, автордин вилик акъатай ктабар хъиз, кІелзавайбуру хушдиз къабулда.

Ф.ГЪАЖИЕВ.

Гъажи ЖЕЛИЛ

ЛЕЗГИЯР Я ЧУН

*Къилел живедин бармак алай дагъ
Ам лезги дагъ я.
Кеспидик кватІа къилел алаз рагъ.
Лезгияр сагъ я.*

*ТІурфандин кІаник суьруь хуьдайбур
Чун- лезгияр я.
Чилел яр-емиш, ризкъи гъидайбур
Чун- лезгияр я.*

*КІвале мугъмандиз чка гудайбур
Чун- лезгияр я.
Гъар са магърумдихъ жигер кудайбур
Чун- лезгияр я.*

*Ватан хуьн патал цІаюз фидайбур
Чун- лезгияр я.
Гъич дарвал тагуз аскер хуьдайбур
Чун - лезгияр я.*

*Дуьньяда авач са чІуб алай чил
Лезгияр авачир.
Аквадач анрай гъерекатдин кыл
Лезги галачир.*

*Ингъе Заратистр, Муграгъа хайи,
Албан-лезги я.
Дегъ заманайриз ціийи дин гайи
Жуван-лезги я.*

*Къурамаатдани, гъакІ гъуьлерани
Герек лезгияр.
Манийрални, гъакІ, туьнт къуьлерални
Зирек лезгияр.*

*КІеве гъатайла кака пайдайбур
Чун- лезгияр я.
Захавал къуртІа, межлис гурдайбур
Чун- лезгияр я.*

*Эхъ, лезгияр я къадим вахтарлай
Дуьз тарих авай,
Серт женгерайни физ хъана чавай,
Чилляйни, цавай.*

*Мугъуьббатдикай Межнунавайни
Лугъуз хъайид туш
Чавай хъиз мани, я гафаралди
Тухуз хъайид туш.*

*Чун Шарвилидин, Гъажи Давудан
Миллетдикай я,
Алейгъисалам чи пайгъамбардин
Уьмметдикай я.*

*Ислягъ халкъ я чун, ша къан гъил-гъиле
Кам вилик къачун.
Бесрай хъайиди сад-садан хъиле,
Лезгияр жен чун.*



РАЙОНДИН административиядин заседанийрин залда алай йисан 6- августдиз яш тамам тахъанвайбурун ва абурун ихтиярар хуъзвай комиссиядин нубатдин заседание кыле фена.

Заседание и комиссиядин председатель Шериф Алиханова ачухна ва кыле тухвана. Анал райондин яш тахъанвай агъалияр кардик кутунин рекъяй агъалияр кардик кутазвай центрди тухузвай к1валахдин гъакъиндай месэладиз килигна.

И месэладай «ЦЗН» ГКУ-дин директордин везифаяр вахтуналди тамамарзавай Навруз Рамазанова гегъенш информация авуна.

Ада кьейд авурвал, ка-

СИГЪ АЛАКЪАДА АВАЗ КІВАЛАХИН

никулрин вахтунда райондин карханайра 354 школьник кардик кутуна. Республикадин

бюджетдай гьелелиг финансирование авачирдини лагъана.

Пландин месэладин нетижаяр кьурдалай гуьгъуьниз кылел кас аламачирбурун ва яш тахъанвайбурун тахсиркарвилерал гуьзчивал тухузвай органрихъ галаз ЦЗН ГКУ-дин алакъаяр сигъарунихъ, уьмуьрдин четин шарт1ара авайбуру кардик кутунихъ ва районда авай карханайра яш тамам тахъанвайбуру патал авай к1валахрин учет тухунихъ рекъе тунвай кьарар къабулна.

Заседаниедал административный тахсиркарвилерин делойризни килигна.

А.АЙДЕМИРОВА.

О ПРЕКРАЩЕНИИ ПОДАЧИ ГАЗА

Согласно графика ППР, проводимые ООО «Газпром трансгаз Махачкала» в августе 2014 года и согласованные с ООО «Дагестангазсервис» запланировано отключение ГРС «Ново-Филия» 06.08.2014г., ГРС «Ново-Аул» 12.08.2014г., ГРС «Магарамкент» 19.08.2014 г.

А. ГАНАКАЕВ,
заместитель генерального директора-директор филиала в Дагестане.

Информационное сообщение

Администрация муниципального района «Магарамкентский район» информирует о проведении конкурса (аукциона) по продаже права аренды земельного участка из земель находящихся в собственности МР «Магарамкентский район» в долгосрочную аренду сроком на 49 лет.

| № п/п | Кадастровый квартал | Категория земельного участка | Площадь кв.м. | Начальная цена предмета торгов руб. га | Задаток руб. | Цель использования | Обременение участка | Шаг аукциона (% от первоначальной цены) |
|-------|--------------------------------------|--|---------------|--|--------------|----------------------------|---------------------|---|
| 6 | 05:10:000039:90/2 с. Картас-Казмалар | земли сельскохозяйственного назначения | 200000 | 7198000 | 14396 | для закладки виноградников | нет | 5 |

Конкурс (аукцион) является открытым по форме проведения. Заявки для участия в конкурсе(аукционе) принимаются комиссией по проведению конкурсов (аукционов) по адресу с. Магарамкент, ул. Гагарина №2 МКУ «Отдел земельных отношений и землепользования», в рабочие дни с 9 до 12 часов до 09.09. 2014 года. Конкурс (аукцион) состоится 010. 09.2014 года в 10 часов в помещении актового зала администрации МР «Магарамкентский район» по адресу: с. Магарамкент, ул. Гагарина 2. Администрация МР «Магарамкентский район»

**Кылин редактор
А. ИСМАИЛОВ.**

**Газет гьафтеда
садра акъатзава.**

**Газет Магъарамдхуьруьн райондин администрацияда регистрация авуна.
Регистрациядин № 301.**

Редакциядин адрес: Магъарамдхуьр,
Ленинан куьче, 4.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Чап ийиз вахкудай вахт - 16.00.

Чапун патал къул ч1угуна- 15.00.

Газет ООО «Самур» типографияда гъазурна ва гъана чапна. 368780. Магъарамдхуьр, Ленинан куьче, 4. Лезги ч1ал.

**Индекс 63340. Тираж 1280.
Заказ № 39.**

+7